

ADRIANI STEGERI D.
SVPRMAE CVRIAE REGIO ELECTORALIS AC DVCALIS
ET CONSISTORII ADESSORIS ET CIVITATIS
LIPSIENSIS SENATORIS
DISSERTATIO
DE
VIIS MILITARIBVS
ROMANORVM
IN VETERI GERMANIA.



LIPSIÆ,
EX OFFICINA LANGENHËMIANA.
MDCCXXXVIII.

ALBERTA INDIANA

ALBERTA INDIANA


ALBERTA INDIANA

ALBERTA INDIANA

ALBERTA INDIANA

ALBERTA INDIANA

ALBERTA INDIANA




ALBERTA INDIANA

ALBERTA INDIANA

ALBERTA INDIANA

ALBERTA INDIANA



§. I.

VIAE PVBLICAE ROMANORVM, MAGNIFICENTISSIMA OPERA, IN GERMANIA MAGNA NON EXSTITERVNT.



I Romanorum aedificiis tantum artis et laboris impensum esse miramur, ut uel illorum reliquiae, temporis et hostium insultu superiores, uictoris gentis magnitudinem loquantur, et aeternitati tradant: in stuporem plane rapiant, necesse est, uiarum munitiones, quas, una cum aquae ductibus et cloacarum fabricis, tria magnificentissima Romae opera existimat DIONYSIVS HALICARNASSEVS 1); ego certe omnium, quidquid humana umquam industria efformauerit, opus maxime laboriosum ha-

A 2

beri

1) *Antiq. Rom. Lib. III. pag. 200. edit. Lips. cl. I. c. XCI.* "Εγὼ γὰρ ἐν τρισὶ τοῖς μεγαλοκρεπεσάτοις κατασκευάσμασι τῆς Ῥώμης, ἐξ ὧν μάλιστα τὸ τῆς ἡγεμονίας ἐμφαίνεται μέγιστον, τὰς τοῦ ὕδατος ἀγωγὰς τίθεμαι, καὶ τὰς τῶν ὁδῶν σφύσεις, καὶ τὰς τῶν ὑπὸ γόμων ἐργασίας.

IV DE VIIS MILITARIBVS ROMANORVM

beri uelim et splendidissimum. Quotusquisque uidelicet est aetate nostra Romae confinia peruagatus,

qua limite noto

Appia longarum teritur regina uiarum 2),

qui non uiam istam, aliarum enim uestigia, hodiernum conspicua, lubens iam praetermitto, eadem admiratione, qua olim PROCOPIVS 3) inductus, istam, post nongentos a prima munitione annos 4), integram, neque tot saeculorum usu quidquam adtritam, ex historiae suae argumentum, oculatus arbiter, descripsit, iam duodecim fere a PROCOPIO inde saeculis elapsis, parum in deterius mutatam, parumue corruptam, duobus itaque annorum millibus, et ultra, superstitem, et natiuo paene robore adhuc superbam, suspexerit, neque aliunde, quam a uictore orbis terrarum populo, tam sumtuosum et aeternum opus expectari posse, fuerit arbitratus. At tunc deficere prorsus uidentur notiones, quae et operum et populi conditoris dignitati con-

ue-

2) PAPINIUS STATVS in *Villa Surrentina Pollii Felicis, Silu. Lib. II. Carm. II. v. 11. 12.*

3) *Hist. Bell. Goth. Lib. I. Cap. XIV. pag. 347. Tom. I. Oper. ex interpr. CLAVDII MALTRETI, Paris. MDCCXXII.* Viae isti uberius hoc loco descriptae, eiusque historiae, sequentem subnotat obseruationem: Καὶ χροὶν τριβέντος συγχρὲ δὴ, ὥτως ἡμᾶς τε ποταῖς καὶ ζωοῖς ἅπασι διαβατοὶ γινόμενοι ἐς ἡμέραν ἐκείνην, ἐδὲ τῆς ἀρμενίας παντάπασι διακτείνονται, ἐδὲ τινι αὐτῶν διαφθαρεῖν, ἢ μείονι γενέσθαι ζυτέπτεσεν, οὐ μὴν ἐδὲ τῆς ἀμαρτυρίας τι ἀποβαλέσθαι.

4) Seruauimus annorum numerum, a PROCOPIO uenditatum, licet annis paene quinquaginta abundantem, ueluti iam obseruauit IVSTVS LIPSIVS *de Magnit. Rom. Lib. III. Cap. X. pag. 793. Tom. III. Oper. edit. Vesh. MDCCXXV.*

ueniant, si quando subit, publicas eius modi vias, non per contenninos Romae agros solum patuisse, neque intra Italiae quidem substitisse fines, sed per longinquas subinde provincias, una cum Romanorum imperio, tamquam certissima uictoriarum monumenta propagari consueuisse, et per omnem fere terrarum orbem fuisse dispositas, uti auctor est ISIDORVS, Hispalensis Episcopus 5), et congestis veterum scriptorum testimoniis, plenius probatum iuit solertissimus iste viarum Romanarum indagator, NICOLAVS BERGIERVS 6). Suffecisset tanta operum publicorum moles; vias istas regias intelligo, si vel nulla prorsus alia ipsi futura fuissent monumenta, ostendendae Romanorum magnitudini, eiusue memoriae ad remotissimam posteritatem transmittendae. Habere simul potuerant provinciarum Romanarum incolae, quotiescunque in vias istas, suis saepe quidem impensis aut seruitiis certe paratas, intuerentur, unde in mentem reuocarent, quanti sint fuerint uictores, subiectionis infamiam non suprema excusarent solum

A 3

necessi-

- 5) *Orig. Lib. XVI, pag. 374. ex recens. BONAVENTURAE VULCANII, Basil. MD LXXVII. Primum Poeni dicuntur lapidibus vias strauisse: post ea eas Romani per OMNEM paene ORBEM disposuerunt, propter rectitudinem itinerum, et ne plebs esset otiosa.*
- 6) *Dans l'Histoire des grands chemins de l'Empire Romain. Liv. I. Chap. V. pag. 331. edit. Brux. MDCCCXXVIII. Inseruit hunc librum, ex Gallica in Latinam linguam ab HENRICO CHRISTIANO HENNINIO translatus, una cum BERGERII correctionibus, operi suo per curas posteriores adnotatis; item IOANNIS BAPTISTAE DUBOS animaduersionibus, et interpretationis. HENNINII, notis, Tom. X. Thesaur. Antiq. Rom. IOANNES GEORGIUS GRAEVIUS.*

VI DE VIIS MILITARIBVS ROMANORVM

necessitatis lege, sed et aliquam dignitatis speciem ipsi prae-
texerent. Solent humana ingenia durissimis malis frequentiori
usu paullatim adsuefieri, et praeter vulgare illud patientiae,
aliud ex communi utilitate argumentum debellatis prouinciis
suppetiisse arbitror, quo ista uictoris Romae tropaea, per fines
suos disposita, sibi gratularentur. At enim uero, quidquid inde
commodi profectum fuerit, miserum creptae libertatis so-
latium, et exiguae seruitutis mercedem, nemo non existima-
bit. Equidem earum ciuitatum populi longe mihi uiden-
tur feliciores, quorum agri stratarum iuga, Romanorum in-
stituto producta, non tulerunt, cum eximiae inde simul for-
titudinis, qua intentum seruitutis iugum a ceruicibus suis
depulerunt, probabilis ad modum nascatur suspicio. Te-
net illas inter regiones, quibus nullae uiarum munitiones,
Romana opera confectae, fuerunt, ornamento dicam, an op-
probrio, principem fere locum Germania, dicta ex Italiae
situ Transrhenana, cui additum Barbarae vocabulum 7), Li-
berae, quod iure sortita est, elogio pulcre compensatur.
Quartaecunque enim Romae, iam terrarum dominae, in
Germaniam, imperio suo depique adiiciendam, fuerint mo-
limina, nihil sane illis effectum est, nisi ut ista ciuium suo-
rum oculos mulceret aliquando, uel potius deluderet tri-
umphatae saepius, quam uictae, gentis illius imagine 8). Pa-
rum officere Germanorum uirtuti ludicra illa tropaea, nisi
pror-

7) Indit hoc Germaniae magnae nomen, ut alios taceamus com-
plures, EUTROPIVS *Breuiar. Hist. Rom. Lib. VII. Cap. I. n. 7.*
Lib. IX. Cap. IV. n. 3. S. AVRELIUS VICTOR *Epit. Cap.*
XXIX. de Decio. AMMIANVS MARCELLINVS *Rer. Gest.*
Lib. XVIII. pag. 126. edit. ex biblioth. FRIDERICI LINDEN-
BROGII Hamb. MDCCVIII.

8) C. CORNELIVS TACITVS *de Mor. Germ. Cap. XXXVII.*

prorsus ignorata, ipsorum sane a conspectu quam longissime remota, et euertere poterat adfectati dominii offendiculum finium ingenuitas, nullis umquam peregrini uictoris monumentis, aut certe non diuturnis, corrupta, et natua telluris patriae conditio, nullis uiarum Romanarum stratis sulcata.

§. II.

DEFINITA VIA PVBLICA SEV MILITARI, ET
DESCRIPTIS GERMANIAE FINIBVS, EXPONITVR
VNIVERSA INSTITVTI RATIO.

QVae commentationi nostrae adhuc praefati sumus, longe aliena plerisque uidebuntur ab ipsa, quam frontius praefiximus, inscriptione. Imo quos ego futuros fuisse nullus dubito, qui, cum in istam intuiti sunt, nobis occinendum esse censuerint:

Quid dignum tanto feret hic promissor biatu 1)?

iidem fortassis aliqua cum indignatione, amphoram primum currente rota institui coepisse, neque iam urceum quidem exire, criminabuntur. Male profecto illos habebit, iactitari de uis Romanorum in ueteri Germania militaribus opusculum, quarum nulla umquam per eas terras patuerit, quod mea ipsius sponte faterer, oportuit satis tempestiue. Neque deerunt alii, qui praepostere nimis id concessum esse arguant, eo, quod forte meminerint, Drusum unacum exercitu, traiecta Visurgi, ad Albim usque processisse, constituto ibidem in tantae expeditionis memoriam tropaeo, uti DIO CASSIVS 2) perhibet, et dispositis, quae L. AN-

NAEVS

1) HORATIUS de Art. Poet. v. 138.

2) Hist. Rom. Lib. LV. pag. 348. B. ex edit. IOANNIS LEVNCLAVII, Hanouiae, MDCCVI.

VIII DE VIIS MILITARIBVS ROMANORVM

NAEVS FLORVS 3) memorat, per Albim et Visurgim ac-
que ac per Rhenum et Mosam fluuios praesidijs et castellis;
imo Germanicum post ea ulterius in Germaniam penetras-
se, inque campo, Idistauiso, ad Visurgim Arminio cladem
intulisse, uti TACITVS 4) memoriae prodidit. Deductis
itaque in mediam Germaniam Romanorum legionibus,
non posse arbitrabuntur, quin adferantur Romanis viae
in Germania ueteri militares. Ego uero utrumque istud
iudicium genus uehementer moneo rogoque, ne tabellam il-
lico poscant, nec indictam causam suffragiis decernant, ni-
mium festinatis. Quae cum subterfugere conducatur, ope-
rae praesertim pretium erit, ut notiones, quas signandae
dissertationi nostrae adhibuimus, recte definiamus, quibus
curatius obseruatis, id simul efficietur, ut luculentior eorum
constet ratio, de quibus exponere instituiamus. Viarum
diuisionem apud Romanos summam fuisse in publicas, pri-
uatas, et vicinales, ipsa docet illorum iuris prudentia 5). Va-
riorum nominum, uis publicis additorum, quorum uigin-
ti, e IULII TABOETII ephemeridibus historicis adatas,
enumerat BERGIERVS 6), celebre cum primis et usita-
tum fuit militare cognomen, siue quod militum potis-
simum labore viae istae sterni consueuerint 7), siue a fine,
cui potissimum uiarum munitiones destinabantur, dedu-
cendis

3) *Hist. Rom. Lib. IV. Cap. XII. pag. 232. ex recens. NICOLAI
BLANCARDI, Franeg. MDCCXC.*

4) *Annal. Lib. II. Cap. XVI. sqq.*

5) *L. 2. §. 22. D. Ne quid in loco publico uel itinere fiat.*

6) *cit. loc. Lib. III. Cap. LI. §. 2.*

7) *Ita stratum militari labore iter, a compendiaro distinctum, me-
morat M. FABIVS QVINCTILIANVS Instit. Orat. Lib. II.
Cap. XIII. pag. 146. Tom. I. Oper. edit. Lugd. Bat. MDCCCLXV.*

cendis uidelicet per istas legionibus, efformatum. Nos illo sane uocabulo quin uteremur, nihil ob stare censuimus, cui plurimum patrocinator DOMITII VLPIANI, Iuris consulti 8), auctoritas, qui uiarum militarium et publicarum diſtinctionem promiscue usurpauit. Imo de publicis Romanorum in ueteri Germania uis acturi, militarium cognomen prae reliquis optauimus, quippe omnium maxime commendandarum earum occasione usuique adcommodatum. Viam publicam, qua cum eandem esse militarem, iam notauimus, describit VLPIANVS 9), quod sit *solum publicum, relictum ad directum certis finibus latitudinis ab eo, qui ius publicandi habuit, ut ea publice iretur, commearetur*. Ex uariis, quae his addenda essent, id saltem subnotamus, uias publicas non destinatione solum certi spatii ad eundem, ambulandum, eoque libero relicto, sed munitione simul istius, a Romanis esse constitutas. Ostendit praeter ea Vlpianea definitio, ex ipsa Romanorum mente non condituisse uiam publicam, nisi a suprema potestate ciuili. Quibus omnibus sibi in uicem comparatis, facile unusquisque animaduertet, uias publicas Romanorum in Germania Magna, uel Transrhenana, existisse omnino nullas 10), eamque consequutionem mirifice patrocinari earundem negationi, quae simul a scriptorum silentio, et ab eo, quod nulla earum supersint uestigia, secure satis deducitur. Posita igitur

B

tur

8) L. 3. §. 1. D. De loc. et itin. publ.

9) L. 2. §. 21. D. Ne quid in loc. publ. vel itin. fiat.

10) Non elidit hanc assertionem aggeratus trames, si PHILIPPI CLVERII arbitrio standum est, per Westphaliae tractum editus, Domitio plerumque auctori uindicatus, de quo copiosius differendum erit §. VI.

X DE VIIS MILITARIBVS ROMANORVM

tur Germania ueteri, per cuius agros ductae olim militares Romanorum uiae describantur, non eam saltem terrarum partem designatam uelim, quam ueteres proprio Germaniae nomine comprehenderunt, Rheno, Danubio, Vistulaque fluuiis, et Codano sinu, limitibus suis, circumscriptum: sed potius Germaniae fines occidentem uersus ultra Rhenum, adiecta scilicet potiori Galliae Belgicae parte, quam ipsi Romani haud infrequenter Germaniam Cisrhenanam dixeret, portendere uisum est, eique meridiem uersus Rhaetiam, Vindeliciam, atque Noricum adiungere. Ampliatis hunc in modum Germaniae finibus, nihil extimescimus, ne quis terminorum motorum contra experiri uelit, quamquam non ignoramus, regionum illarum populos, a Germanica ciuitate auulsos, libertate, Germano bono, excidisse, et Romana passos esse imperia. Praesidium enim sententiae nostrae in eo ponimus, quod gentes istae, uti est ueri simillimum, communes cum reliquis Germaniae populis adnoscant origines, deinde, quod Romanos dominatus, non nisi florentissimis demum eorum rebus experti, Germanos tamen mores et instituta seruauerint, denique, quod uergente ad lapsum Romanorum imperio, et Germanorum ciuitate ordinatius condita, postliminii quasi iure in eandem redierint, nostraque adhuc aetate maximam partem Germaniae finibus contineantur, eximia Imperii Romano Germanici portio. In his sane regionibus, Magnae olim Germaniae proxime adfinibus, habitaculis Germanarum gentium, ueteris Imperii Romani prouinciis, passim deprehenduntur uiae publicae, Romanis auspiciis et moribus dispositae atque munitae. Quas cum eruditissimi uiri, saeculi et gentis suae ornamenta, qui locupletiori adparatu instructi, antiquissimam communis patriae historiam aetate nostra publicae lu-

ci

ci restituerunt, circumspecto studio et disquisitione sua non iudicauerint indignas, nec utilitatis, quam uetus inde foeneretur geographia, omnino uacuas: neque nos desperauimus, aliquod certae operae nostrae futurum esse pretium, si uias istas, peculiari libello breuiter descriptas, una ueluti tabula simus exhibituri. Quam ubi iam suspensum imus, monendum esse duximus, ita nos in uis istis inuestigandis, describendisque illarum compendiis, esse uersaturos, ut secundum temporis ordinem, quo Romani Germanique, de imperio illi, hi de libertate, in his terris decertauerunt, ubiuis adnotemus, si quas in istis prouinciis uias esse munitas, adpareat. Ita uero, quam nobis ultro diximus, ordinis huius legem obseruabimus, ut singularum uiarum munitiones ad auctores suos, si de illis constiterit, referamus; si qua occurrerit, cuius conditor ignoratur, circa illius Imperatoris aetatem exponamus, quo primum a scriptoribus memorari reperitur. Nec conquirere animus est leuiorum coniecturarum farraginem, unde uiarum eius modi uestigia per taediosa demum ambagum diuerticula e longinquo conspici queant, sed, quod in exercitatione, tumultuario paene studio conscribenda, qualis est haec nostra, fieri potest, eas tantum persequemur uias, quae certae fatis, eoque nomine memoratu uidentur digniores; notaturi simul obiter, quod aiunt, alia Romanorum opera, quae ad uiarum militarium munitiones perperam aliquando referuntur. Repetenda igitur erunt commentationis nostrae argumenta inde a Iulii Caesaris aetate, quo Imperatore primum Romanas aquilas in Germaniam prolatas esse nouimus. Subsistere demum liceret in Theodosii Magni imperio, ad cuius aeram usque uehementissime inter Romanos Germanosque subinde in ipsis Germaniae, eique vicinis regionibus bellatum est, nec

XII DE VIIS MILITARIBVS ROMANORVM

inde Romanis uiarum istis muniendarum defuit occasio, donec, Imperatore isto fatis functo, ea rerum commutatio repente ad modum exorta est, qua tantum abfuit, ut Romani de Germania lacessenda, ne quid de uis, per illius fines ordinandis, adiciam, cum effectu potuerint cogitare, ut ne intra adstrictiores Italiae quidem limites a Germanorum armis auspiciato sese defendere, ipsis contigerit. At in opusculi limine adhuc haerentes, quando argumenti ubertatem ad uaria, quibus distinemur, impedimenta componimus, plane futurum desperamus, ut ad Theodosianum aeuum nostra pertingere queat commentatio. Quapropter satis arbitrati sumus, saeculi a Seruatore nato primi ambitu, tamquam finibus suis istam circumscribere, et lustrare hac excursionem uias, a duodecim Romae Imperatoribus, omnium primis, eorumque auspiciis, per Germaniam stratas; reliquas, proximis inde saeculis munitas, amplissimam differendi materiam, limatae magis disquisitioni nostrae reseruaturi aliud in tempus, aut relicturi alienae.

§. III.

PONS A C. IULIO CAESARE ITERVM RHENO INCVTVS.

C Julius Caesar uti rerum gestarum magnitudine, successu, atque fructu, omnes populi Romani duces, qui superiorem aetatem uirtute sua collustrauere, longissime superauit: ita maximis eius facinoribus accensendum est, quod aliquot Germaniae populos, quorum alii uix decem ante lustris in ipsam Italiam arma sua pertulerunt, et ipsi Romae ultimo fuerunt terrori, non nisi post ambiguos tandem casus eieci, iam omnium Romanorum primus, in ipsis eorum sedibus debellauerit. Qui sane Imperator, licet praeteriri

teriri potuisse in hac commentatione uideatur, si uias ab eo in Germania conditas quaesueris, quarum nos quidem nullam nouimus: ideo tamen nobis est commemorandus, quod pontem Rheno impositum, omnium haud dubie primum, ad eum referri iubeant historiarum monumenta. At iungere ipsi Romani uiarum et pontium curam, cuius rei testimonia saepe numero in marmorum occurrunt titulis 1): ne-

B 3 que

- 1) Exemplo esse poterunt marmora ista uialia, per Vindeliciam et Noricum, in honorem L. Septimii Seueri Caesaris et utriusque filii, ob uias per istos tractus aut recens munitas, aut instauratas, passim disposita, quorum aliquot ad posteritatis notitiam peruenierunt, imo, quantum suspicari licet, hodiernum supersunt, exhibita in MARCI VELSERI *Antiq. Agr. August. Monum. pag. 409. Oper. edit. Norimb. MDCLXXXII. et IANI GRVTERI Corp. Inscript. CLVI. 6. CLVII. 2, 3, 4, 5.* Visum est ex his marmoribus integram inscriptionem unius, quod primo prae reliquis loco posuit VELSERVS, in obseruationis nostrae exemplum et praesidium adlegare. En igitur istam sequentem in modum, VELSERI fide, descriptam:

IMP. CAESAR. LVCIVS. SEPTIM
IVS. SEVERVS. PIVS. PERTIN
AX. AVG. ARABICVS. ADIAB
PARTHICVS. MAXIMVS
PONTIF. MAX. TRIB. POT
VIII. IMP. XII. COS. II. P. P
PROCOS. ET. IMP. CAESAR
MARCVS. AVREL. ANTON
INVS. PIVS. AVG. TRIB.
POT. III. PROCOS. ET. IMP
R. SEPTIMI. GETA. ANTON
VIAS. ET. PONTES. REST
AB. AVG. M. P. XXXXI.

XIV DE VIIS MILITARIBVS ROMANORVM

que nostrum erit, iustrando uias, pontes praeterire. Mouerunt Caesarem frequentiores Germanorum in Galliam incurſiones, et poſtulata contra Sueuos ab Vbiis auxilia, et poſt Viſipetes Tenchterosque fugatos, equitatus illorum pars, quae praelio non interfuit, Moſam ante frumentandi praedandique cauſſa tranſgreſſa, deinde poſt fuorum fugam trans Rhenum ad Sigambros auſugiens, ut de Rheno tranſeundo cogitaret, et ſuam ipſius reputans ſecum, et tanti populi, cuius auſpiciis bellum gereretur, dignitatem, legiones non aliter, quam per pontem tranſducendas eſſe, decerneret. Pontem igitur decem dierum ſpatio conſtruxit, et tranſducto exercitu, ea omnia exſequutus, quorum cauſſa tantam expeditionem molitus eſt, metu Germanis iniecto, Vbiis liberatis, Sigambros ultus, poſt dies decem et octo trans Rhenum omnino conſumptos, in Galliam rediit, et pontem reſcudit, quae omnia, et ipſius pontis conditi rationem, plenius ipſe c. IVLIVS CAESAR 2) expoſuit, tetigerunt etiam PLVTARCHVS 3), et DIO CASSIVS 4). Itaque eſſectum eſt, quae princeps ſuſcipiendi tam ardui conſilij erat cauſſa, ut intelligerent Germani, et poſſe et audere populi Romani exercitum Rhenum tranſire, idemque illos eodem iterum conatu ſucceſſuque Caesar docuit. Paulo enim poſt ea, quum Induciomarus et Ambiorix, Treuironum ille, hic Ebu-

2) *Comment. de Bell. Gall. Lib. II. Cap. XVI. ſeqq.* Pontem ipſum, tabula aenea delineatum, editio c. IYLII CAESARIS, ex muſeo IOANNIS GEORGII GRAEVII, Lugd. Bat. MDCCCXIII. adornata, lectorum oculis ſubiicit.

3) *in Vit. C. Caesaris, pag. 718. F. 79. A. Tom. I. Oper. edit. Francof. MDCCXX.*

4) *Lib. XXXIX. pag. 113. C. D.*

Eburonum princeps, Neruiorum, Menapiorum, Attuaticorum, imò et Transrhenanarum gentium, Sueuorum praesertim, auxiliis subfulti, Romanis arma et clades inferrent, Caesar disiectis Neruiis, Treuiris iterum prosligatis, occisoque illorum duce, Induciomaro, debellatis Menapiis 5), et eo, ut pacem peterent, adactis, Rhenum iterum transire, duabus potissimum de causis constituit, partim ut auxilia contra se Treuiris missa ulcisceretur, partim ne Ambiorix receptum ad eas regiones haberet. Pontem igitur paullum supra eum locum, quo antea exercitum transduxit, faciendum curauit, et opus istud nota atque instituta ratione, magno militum studio, paucis diebus effectum esse, memoriae ipse CAESAR 6) prodidit. Firmo in Treuiris ad pontem praesidio relicto, eduxit trans Rhenum legiones contra Sueuos, quorum fuga in silvarum latebras cognita, reducendas istas statuit. Ne tamen reditus sui metum Germanis tolleretur, partem quidem pontis ultimam, quae Vbiorum ripas contingebat, in longitudinem CC pedum rescidit, at in extremo ponte turrim tabulatorum IV constituit, eique loco, magnis munitionibus firmato, et praesidio praefectum dedit

5) Refert ipse CAESAR *cit. comment. Lib. VI. Cap. VI. partitis copiis sese cum C. Fabio, Legato, et M. Crasso, Quaesore, celeriterque effectis pontibus, Menapios adiisse tripartito. Fuerunt pontes illi, quos Caesar penitus non tangit, Scaldi haud dubie iuncti, quem fluuium inter et Mosam sedes suas potissimum habuisse Menapios, ibique haec gesta esse, ostendit CHRISTOPHORVS CELLARIVS Notit. Orb. Antiq. Lib. II. Cap. III. Sect. XIII. §. CLXII. pag. 288. Tom. I. ex recens. IOANNIS CONRADI SCHWARZII, Lips. MDCCCXXI.*

6) *Lib. VI. Cap. IX. Conf. DIO CASSIUS Lib. XL pag. 135. D.*

XVI DE VIIS MILITARIBVS ROMANORVM

dit C. Volcatium Tullum 7). Locum ipsum, quo utrumque pontem Caesar construendum curauit, situi suo proprie satis assignare uix licet, cum nec ipse Caesar, praeter Vbiorum et Treuironum fines, quos ille contigit, hac de re speciatim magis quidquam fuerit commentatus. Priori expeditione pontem, haud procul a confluyente Rheni et Mosae, fluuio istius fuisse impositum, inde colligitur, quod eo usque Romanos fugitiuis Vspetibus Tenchterisque instituisse, captumque deinde statim a Caesare Rheni transeundi fuisse consilium, ipsius CAESARIS 8) commentarii fidem faciant, quamquam obuiam ibi lectionem dubiis suis uehementer sollicitat PHILIPPVS CLVVERIVS 9), ponendum potius Rheni et Mosellae confluentem ratus, quam contra emendationem copiose disputauit IOANNES ISAACVS PONTANVS 10). Sunt haec paullo abstrusiora, nec certitudinis inde quidquam, nec aliunde, capi potest, quae difficultas magis ex eo redditur impedita, quod nulla hodie utriusque istius pontis rudera, nulla reliquiarum uestigia supersint, quae de uero situ tutius consiliendi praebeant occasionem. Vti enim extemporali paene opera pontes isti fuerunt constructi, ita destinatione sua partim, partim factorum necessitate non nisi temporarii, nec aeternitate atque frequentiori usu suo, uti alia Romanorum opera solent, aequae fuerunt memorabiles, ac consilii nouitate, summaque ipsa gloria, quam e communi Romanorum consensione et adplau-

7) *Lib. I. Cap. XXIX.*

8) *Lib. II. Cap. XV.*

9) *German. Antiq. Lib. II. cap. IX. edit. Lugd. Bat. MDCCXXXI.*

10) *Disceptat. Chorograph. de Rheni sinu et c. Part. I. Cap. V. p. 21.*

adplausu conatui tanto, adhuc inaudito, accessisse; luculento indicio est, exhibitum inter publicas et solemnes pompas, quantum ex FLORI II) testimonio colligimus, uicti Rheni simulacrum, quum A. V. C. MCCVII, per quatuor dies continuos, de Gallia, Aegypto, Ponto et Africa, Caesar, DIONE 12) teste, triumphos ageret. Et postera sane Romanorum aetas, nouos et prosperrimos istos Caesaris conatus, inter pulcerrima facinorum militarium specimina reponendos, et ipso Caesare cum primis dignos esse, censuit; quem ad modum cogitasse secum mihi uidetur, qui, cum in fictitio isto Deorum conuiuio Caesari cum Alexandro de uirtutis et rerum gestarum principatu contendendum esset, Romano illi heroi uerba satis magnifica de iterato Rheni transitu, ad traiectum ab Alexandro Istrum comparato, adtingit, SYLIANVS Imperator 13).

§. IIII.

RES ROMANORVM CONTRA GERMANOS AVGVSTI CAESARIS AVSPICIIS GESTAE, ET GAL- LIA OMNIS AB EODEM ORDINATA.

Tantorum moliminum, quae C. Iulius Caesar debellandis aliquot Germaniae populis, Cisirhenanae praefectim

11) *Lib. IV. Cap. II. pag. 212.*

12) *Lib. XLII. pag. 223. B.*

13) *in Caesar. pag. 320. Oper. ex edit. EZECHIELIS SPÄNH-
MII, Lipsf. MDCCXCVI.* Vbi Caesar sequentem in modum lo-
quutus fuitur: Οὗτος ἀπαξ ἐπεραιώθη τὸν Ἰσθμὸν ἐγὼ δὲ
δι' ὑπερὸν τὸν Ῥήνον. Γερμανικὸν αὐτὸ τὸ ἐμὲν ἔργον τέ-
τω δὲ ἀντίτῃ μὲν ἔδδ' ἐκ.

XIIX DE VIIS MILITARIBVS ROMANORVM

tim et Galliae Belgicae colonis, impendit, fructum tulit ex sorore pronepos, adoptione in gentem Iuliam transcriptus, cui omnia Caesaris facinora, stabiliendo unius dominatui destinata, cesserunt, Octavius Caesar Augustus. Hoc iam rerum potito, ingrauescunt Romanorum et Germanorum bella, et luculentiora paullatim exferuntur indicia, unde non Germaniae Cisirhenanae solum, insigni Galliae Belgicae portioni, sed et aliis regionibus, quae Germanis incolis paruerunt, additam prouinciae formam, eoque simul occasionem, uiarum militarium muniendarum, Romanis paratam, cognoscimus. Noricum enim circa A. V. C. 1000XXXVIII P. Silius, si DIONIS CASSII 1) suffragium recte capimus, imperio Romano subdidit, quamuis tantae accessionis partae gloriam VELLEIUS PATERCVLVS 2) adsignet Tiberio suo; cui certiori quidem iure competit laudis, ob Vindeliciam Rhaetiamque prouinciis Romanorum adiectam, cum Druso fratre societas 3), VENVSINI VATIS 4) carminibus aeternitati consecrata. Melioribus auspiciis, quam Romanorum ante quisquam alius, contra Germanos porro bellauit Drusus, quo Imperatore ad Albim usque Romanas aquilas prolatas esse, superiori loco notauimus. Quanta cura, quantoue successu tam pulcris uictoriarum primordiis, post praematura Drusi fata, institerit Tiberius frater, loquuntur acceptus in de-

ditio-

- 1) *Lib. LIV. pag. 534. D.* Οἱ Πανόνιοι τὴν τε Ἰσθμὸν μετὰ Νερῶν κατέδραμον, καὶ αὐτοὶ τε πρὸς τὴν Σιλίαν καὶ τῶν ὑποστρατήγων αὐτῆς καταθέτες, αὐδῆς ἀμολόγησαν, καὶ τοῖς Νερῶν αἰτίαι τῆς αὐτῆς δαλείας ἐγένοντο.
- 2) *Hist. Rom. Lib. II. Cap. XXXIX.*
- 3) DIO CASSIUS *Lib. LIV. pag. 536.*
- 4) *Carm. Lib. IV. Od. IV. v. 17. seqq. Od. XIV. v. 10. seqq.*

ditionem, et in Galliam translatus. Sigambrorum populus 5), subacti deinde Caninefates, Attuarii, Bructeri, recepti Cherusci, Visurgis amnis transitus, hiberna ad caput Luppiae fluminis locata 6), perlustrata porro armis tota Germania, receptae Chaucorum nationes, fracti Langobardi, Romana classis Albi subuecta, et eo usque perductus cum signis exercitus 7), Sueui denique et Maroboduus Rex pace obstricti 8), et darus Germaniae praefectus, C. Sentius Saturninus, periculorum aequae ac triumphalium post ea honorum Tiberii socius 9), eiusque in locum subrogatus, Quinctilius Varus 10), cui ab Arminio, Cheruscorum principe, illata clades omnium in Germanos Transhenanos moliminum fructu, quantumcunque spe praeceperint, Romanos defraudauit, et Germaniae Magnae libertatem restituit. Et hac tam graui, nec opinata rerum commutatione factum est, ut Augustus, iam florentissimo imperio paene defunctus, ne in ulla quidem Germaniae parte potuerit efficere, aut quodam effectum modo conseruare, quod sub prima olim dominatus initia in uniuersam Galliam ipsi licuit, quam et prouinciam Romanam constituit, et ut constitutam retineret, solícite ad modum prospexit. Facta enim cum Senatu prouincia-

C 2

rum

- 5) C. SVETONIUS TRANQVILLVS in *Ostau. Caesar. August.* Cap. XXI. Conf. TACITVS *Annal. Lib. II. Cap. XXVI.*
- 6) HORATIUS *Carm. Lib. IV. Od. XI. v. ult.*
- 6) VELLEIVS PATERCVLVVS *Lib. II. Cap. CV.*
- 7) IDEM *ibid. Cap. CVI.* Conf. DIO CASSIVS *Lib. LIV. p. 567. E.*
- 8) TACITVS *Annal. Lib. II. Cap. XXVII.* Conf. *Cap. XLVII.*
- 9) DIO CASSIVS *Lib. LIV. p. 567. E.*
- 10) IDEM *Lib. LVI. pag. 582. D.* VELLEIVS PATERCVLVVS *Lib. II. Cap. CXVII. seqq.*

XX DE VIIS MILITARIBVS ROMANORVM

rum diuisione, Augustum Galliam sibi omnem sumfisse, DIO CASSIUS II) auctor est, qua simul utramque Germaniam Cisirhenanam, superiorem et inferiorem, siue quo nomine posthac reperitur frequentata, primam et secundam, contineri adnotauit. Eundem Imperatorem paullo post Narbone conuentum, et a tribus Galliis censum egisse, LIVII EPITOMATOR 12) refert, cui consentit plenius DIONIS 13) testimonium, Augustum componendis Gallicis rebus, agendoque Gallorum census, et uita et re publica formanda, aliquantum temporis extraxisse. Ea igitur tempestate Galliae diuisionem in Aquitanicam, Celticam et Belgicam, huius praesertim in Galliam Belgicam, speciatim sic dictam, et Germaniam Cisirhenanam, Germaniae Cisirhenanae in primam et secundam 14), aut effictam nouiter, aut rectius fuisse ordinatam, ad ueri similitudinem proxime accedit.

§. V.

- 11) *Lib. LIII. pag. 503. D. seqq.* Ἐνεμίθη ἡ Ἀφρικὴ καὶ ἡ Νυμφία, ἥ τε Ἀσία καὶ ἡ Ἑλλάς μετὰ τῆς Ἡπείρου, - - - τῷ τε δῶμα καὶ τῆς γεγενησῆς ἐπαύ. τῷ δὲ δὴ Καίσαρος, ἡ τε λοιπὴ Ἰβηρία, ἡ τε περὶ Ταβρίανικον, καὶ ἡ Λυσιτανία, καὶ Γαλάται πάντες, οἱ τε Ναεβυνήσις καὶ οἱ Λαγυδαγήσις, Ἀκυϊτανοὶ τε καὶ Κελτικοὶ, αὐτοὶ τε καὶ οἱ ἄποικοι σφῶν. Κελτῶν γάρ τινες, οὓς ἐν Γερμανὸς καλεῖμεν, πᾶσαν τὴν πρὸς τῷ Ῥήνῳ Κελτικὴν κατασχόντες, Γερμανοὶαν ὀνομάζεσθαι ἐποίησαν, τὴν μὲν αὖν, τὴν μετὰ τὰς τῷ ποταμῷ πηγὰς τὴν δὲ κάτω, τὴν μέχρι τῷ Ωκεανῷ τῷ Βρεττανικῷ ἔσαν.
- 12) *Lib. CXXXIV.*
- 13) *Lib. LIII. pag. 512. B.*
- 14) *Conf. STRABO Rer. Geograph. Lib. IV. pag. 268. A. Tom. I. edit. Amstelod. MDCCC VII.*

§. V.

VIAE MILITARES, AVGVSTO CAESARE,
PER GERMANIAM CISRHENANAM DISPOSITAE.

Rebus itaque per uniuersam Galliam tanta cum cura ordinatis, nullum est dubium, quin de uis, per eam disponentis, cogitauerit Augustus; eumque cum effectu hac de re cogitasse, praesto sunt idonea satis testimonia. Illius enim auspiciis M. Vipfanius Agrippa per amplissimum Galliarum tractum quatuor uias aperuit, unam per Cemmenos montes, in Aquitaniam et ad Santones usque, alteram ad Rhenum, tertiam ad Oceanum per Bellouacos et Ambianos, quartam in Narbonensem Galliam et ad litus Massiliense, uti STRABO 1) disertis uerbis exposuit. Plenius de istis uis, earumque munitarum rationibus et aera constaret, nisi AGRIPPÆ commentarios de Gallia, quorum PLINIVS 2) meminit, superioris temporis iniuria aetati

C 3

nostrae

- 1) *Rei. Geograph. Lib. IV. pag. 318. Tom. I.* Τὸ Λαγδανὸν ἐν μέσῳ τῆς χώρας ἐστίν, ὥσπερ ἀκρόπολις, διὰ τε τὰς συμβολὰς τῶν ποταμῶν, καὶ διὰ τὸ ἐγγυὲς εἶναι πᾶσι τοῖς μέρεσι. Διόπερ καὶ Ἀγρίππας ἐντεῦθεν τὰς ὁδὸς ἔτεμε· τὴν διὰ τῶν Κεμμένων ὁρῶν μέχρι Σαντώνων καὶ τῆς Ἀκουτανίας· καὶ τὴν ἐπὶ τοῦ Ῥήνου· καὶ τρίτην τὴν ἐπὶ τὸν Ὠκεανὸν, τὴν πρὸς Βελοακκοῖς καὶ Ἀμβιανοῖς· τετάρτη δὲ ἐστίν, ἐπὶ τὴν Ναβωνῆτιν, καὶ τὴν Μασσαλιῶτιν παραλίαν.
- 2) *Hist. Nat. Lib. IV. Cap. XVII.* STRABONEM quoque *Rei. Geograph. Lib. IV.* eosdem AGRIPPÆ commentarios memorasse, quod ὡς ἐν παρῶν notamus, perhibet AEGIDIUS VUCHERIVS *Belg. Rom. Ecclef. et Civil. Lib. I. Cap. IX. pag. 22.* At mihi non liquet, et integro isto STRABONIS libro perlustrato, licet, ne quid dissimulem, remissiori aliquantum cum cura, nihil eorum explorare potui. Poterunt fortassis

XXII DE VIIS MILITARIBVS ROMANORVM

nostrae inuidisset. Quibus dum caremus, conquirenda erunt aliunde praesidia, ex quibus ea cum primis, quae ad alteram uiarum istarum pertinent, quo scilicet ordine STRABO istas persequitur, tamquam instituto nostro propiora, depromantur. Porrecta sane fuerit uia ista Lugduno ad Rhenum quam longissime oportet, maxime, si ad eam, quod sagaciores arbitrio suo definiant, tamquam portio aliqua pertinuerit uia, quam a Lugduno Batavorum Argentoratum, et quae itineris huius intermediae sunt mansiones, a Treuiris Agrippinam, ab iisdem Argentoratum, item a Colonia Traiana Coloniam Agrippinam, in ANTONINI AVGVSTI ITINERARIO 3) designatam legimus, et, quae aliquot saltem stationibus interiectis, ab isto discedit, PVTINGERIANA TABVLA 4). Alia et luculentiora uiae istius uestigia, a quopiam lecta aut indicata, non memini. Quae coniiciendo enim proponit BERGIERVS 5), commoditate huius uiae, recens tunc temporis stratae, factum esse, ut Tiberius, ad aegrotantem in Germania Drusum fratrem abiurus, una nocte ac die CC millia passuum tribus uehiculis, uti PLINIVS 6) refert, emensus fuerit, incerta sunt, nec inde quidquam lucis foeneratur uia ista, quantacunque cum cu-

ra

alii, quibus ea pressius inuestigandi otium est et uoluptas; inter ea STRABONEM, sola BVCHERII fide, in partes uocare uix ausim.

3) pag. 83. 84. edit. Colou. Agripp. CIO IDC.

4) pag. 727. 730. seqq. in MARCI VELSERI operibus, a CHRISTOPHORO ARNOLDO, Norimb. CIO IDC LXXII una editis.

5) Lib. I. Cap. XXIX. §. VI. pag. III.

6) Hist. Nat. Lib. VII. Cap. XX.

in DIONIS 7) testimonium de itinere Tiberii huc confectur, quod apprime consulendum commendat IOANNES HARDVINVS 8). Neque istud iam definire possumus, an ea Lugduno ad Rhenum uia ad aeternitatem ferendam ab Agrippa, perinde fuerit composita ac alia, per Bellouacos et Ambianos ad Oceanum, eodem auctore, ducta, quam et ITINERARIUM seruat ANTONINI 9), et PERTINGERI TABVLA 10), et sua aetate, tangit haec autem priores saeculi XVII annos, ultra dimidium eius cursum prouecta, uisam esse, imo se ipsum ex parte obiisse, adfirmat AEGIDIUS BUCHERIVS 11). Strauit Agrippa uias istas, quantum conueniendi adsequi licet, circa A. V. C. 1000XVII, et qui proxime subsequuti sunt, quo tempore ipsum sacra Augusti Caesaris uice, cum aemulis adhuc de rerum summa decertantis, Galliis praefuisse, bellum cum Gallis ab eo gestum, et traiecitum Rheni flumen, DIONI CASSIO 12) memoratum, et Aquitanica illius uictoria, ab APPIA

7) *Lib. LV. pag. 549. A.*

8) *in not. ad PLINII Hist. Nat. cit. loc. n. 16. pag. 386. Tom. I. edit. Paris. MDCCCXXIII.*

9) *pag. 81. ubi exhibetur Lugduno Gestoriacum usque iter, Morinorum, quos extremos hominum VIRGILIUS Aen. Lib. VIII. v. 727. uocat, in freto Britannico portum, qui an cum oppido fuerit coniunctus, idemne cum Icio portu, diuisae sunt inter rerum harum seruatorum sententiae, copiosius recensitae a c. CELLARIO Notit. Orb. Antiq. Lib. II. Cap. III. Sect. XV. §. CLXXXVIII. seqq. pag. 30. Tom. I.*

10) *pag. 727. et 730.*

11) *Belg. Rom. Eccles. et Ciu. Lib. I. Cap. IX. §. 7. pag. 22. 23.*

12) *Lib. XLVIII. pag. 389. D.*

XXIV DE VIIS MILITARIBVS ROMANORVM

PIANO 13) indicata, suspicari iubent. Notandae sunt uer-
 rae uiarum istarum origines tanto curatius, quanto futilio-
 res sunt NICOLAI REVCLERI nugae de Banone, anti-
 quissimo Troiani sanguinis heroe, nouo post excidium
 Troianum Galliarum incola, uiarumque istarum condito-
 re, aut CLAREMBALDI, HVGONIS TVLLENSIS et LV-
 CII TVNGRENSIS de Brunchaldo, Bauonis trinepote, uia-
 rum earundem auctore, fabulae, perdita IACOBI DE GV-
 SE opera conciliatae; quanto denique longius a ueri spe-
 cie distat plerorumque opinio, qui eiusdem instituti glo-
 riam, sexcentis itaque circiter annis ferius partam, ad Bru-
 nehildin, Austrasiae Reginam, referunt, SIGEBERTI GEM-
 BLACENSIS procul dubio, et ANNALIVM BERTINIA-
 NORVM testimonio, de Reginae illius aedificiis, decepti;
 quorum uniuscuiusque commenta uberius recensuit et ex-
 plosit BERGIERVS 14). Cum in Galliarum uis adhuc morati
 sumus, quae Caesaris Augusti auspiciis stratae sunt, breuiter
 diuertendum erit in Belgicas istas, quas, ordinatis, uti su-
 perius dictum est, Galliarum rebus, ab eodem Imperatore
 munitas fuisse, BVCHERIVS 15) suspicatur. Recenset
 iste

13) *de Bell. Ciu. Lib. V. p. 1149. Tom. II. Oper. ex edit. ALEXAN-
 DRI TOLLII, Amstelod. MDCCCLXX.*

14) *Lib. I. Cap. XXVI-XXIX. pag. 98. sq.*

15) *cit. loc. Lib. I. Cap. XII. §. 19. pag. 31. Vias quoque militares hac
 ordinatione sequentibusue, ab eodem Augusto, sicut et paullo an-
 te a M. Agrippa, ac deinceps ab alijs, per Galliam duci coepit,
 nullus dubito. Hoc enim anno, prius quam ex Italia in Gal-
 lias adueniret, vias extra urbem ipse aliquae reficiendas cura-
 uerant. Quanto magis in Galliis, ubi tanto pauciores? Eas
 etiamnum in Belgica nostra superstites, et labore percutio redif-*

iste, oculus testis, octo eiusmodi vias, Bauaco, celebri cum primis Belgii urbe, huc istuc deductas, suo, quo iste uixit, saeculo satis conspicuas, qua de causa non praeter rem uisum est integra eius uerba his subiicere. Ego uero, licet rei huius generis disquirendae, cum idoneorum testium suffragiis destituaris, plurimum cautionis adhibendum esse, non diffitear, probabili ad modum studio ingenioque istam **BYCHERII** coniecturam, si generatim ad ea, in quibus uersatur, respicias, efformatam esse sentio. Dispositae fuerunt ab Augusto per Germaniam Cisirhenanam octo legiones, quatuor per inferiorem, prima scilicet, quinta, uicesima, et una et uicesima; quatuor per superiorem, nominatim secunda, tertia decima, quarta decima, et sexta decima, quarum statim luculentius ex **TACITI** 16) descriptione colliguntur: totidemque legiones, praecipuum robur Rhenum iuxta, commune in Germanos Gallosque subsidium, sub Tiberio fuisse,

D

se,

summa procedentes, non sine admiratione uidemus et calcamus; a cuiusvis gentis capite, ad quoduis aliud sine ullo deuiandi metu ducentes. Bauaco quidem octo emanant, quarum una Coloniam Agrippinam per Tungros; altera per Mosae superiora propter, Dionantum et per Ardennam, Augustam usque Trenivorum; tertia Durocortorum Remorum; quarta Augustam Veromanduorum; quinta per Cameracum, laeua quidem Bapalas et Samarobriam Ambianarum, hodie Amiens, dextera Nemeta cum Atrebatum, Taruanam Morinorum et Bononiam ad mare; sexta Virsouniacum, hodie Veruik ad Lisam, Castellum Morinorum, Cassel, Marcis ad litus Saxonicum, hodie Flandricum, Mardylek; septima Gandauum in Menapios; an et inde ad Oceanum? octaua denique per Engbien, Keister, Asche in Brabantiam, Rheno Traiectum, hodie Ultraieclum, tendebat. Eae scilicet tunc erant illustriores Belgii urbes.

16) *Annal. Lib. I. Cap. XXXVII. Conf. Cap. XXXI.*

XXVI DE VIIS MILITARIBVS ROMANORVM

se, quem modo adlegauimus, TACITVS 17) commemorat. Rebus igitur tunc temporis, per uniuersam Galliam et Germaniam Cisrhenanam, pacatis, facile ut credamus, adducimur, Augusti praecipuam curam in id incubuisse, ne adfuetus expeditionibus miles otio lasciuires, ad conficiendas potius publicorum operum machinas adigendus. Patrocinantur hisce coniecturis nostris tumultuantium, sub Augusti excessum, legionum querelae, apud TACITVM 18), quando coram Germanico, sedatum rebelles animos adpropere, duritiam operum exprobrant, propriisque inculant nominibus vallum, fossas, pabuli, materiae, lignorum adgestus, et si qua alia ex necessitate, aut aduersus otium castrorum quaeruntur. Fuit fortassis Germaniae Cisrhenanae incolis eadem fortuna subeunda, quam uictos a Romanis populos, inter alias seruitiorum molestias, expertos esse, Britannis suis exponit GALGACVS 19), ut ipsa corpora nimirum, et manus, siluis ac paludibus emuniendis, uerba inter ac contumelias adtererent. Sed his pretium esto statutum, quod coniecturis solet. Nec illa ego ausim ad uias, siue a BVCHERIO recensitas, siue alias, per Galliam Bellicam, aut Cisrhenanam Germaniam, Augusto Imperatore, fortassis dispositas, temere transcribere.

§. VI.

DRVSI FOSSA. EIVSDEM PONTES RHENO IVNCTI. DOMITII PONTES LONGI.

Accedendum iam propius est ad Magnae Germaniae oram. Imo quid uetat, quin transeamus tandem, Augusti
Caesa-

17) *Annal. Lib. II. Cap. I.*

18) *Annal. Lib. I. Cap. XXXV.*

19) apud TACITVM in *uit. Iul. Agricol. Cap. XXXI.*

Caesaris auspicia sequuturi, e Cisrhenana in Transrhenanam Germaniam, curiosius spectatum magnifica Romanorum opera, et praesertim, an, quae ad uiarum munitiones pertinent, huius intra fines reperiantur. Celebrantur ab illius aevi scriptoribus complura monimenta, Drusi ductu per utramque Germaniam hinc inde disposita. In primis huc referenda sunt castella, quae per Mosam flumen, per Albim, per Visurgim, et maxime per Rheni ripam, quin-quaginta amplius, eundem direxisse, FLORVS 1) adnota-uit, de quibus euolui merentur BVCHERII 2) coniecturae. Nostrum est, missis aliis, quae Drusi nomini pepererunt immortalitatem, de uiarum cura, qua noua iste decora sibi adseruit, succinctis commentariis exponere, quamquam ita fortuna tulit, ut uiae per paludes et aquarum fluctus potius, quam per terrae iugera, et pronos agrorum campos paran-dae, Drusi studia exercuerint. Arduum et grauissimum opus est fossa illa, Rheni, bicornis hactenus, exitus tripartito dis-seclos efficiens, quam Drusi nomine celebrem testatur TA-CITVS 3), et SVETONIVS 4), uberius, mutuis dissensio-nibus inter se certantes, descripserunt CLVERIVS 5), et PONTANVS 6), et, qui primo loco erat nominandus, di-gnus maxime, qui hac de re consulatur, MENSIO ALTIN-GIVS 7). Nihil nos horum observationes, oculatorum ut-

D 2

pote

1) *Lib. III. Cap. XII. pag. 232.*2) *Lib. I. Cap. XVII. §. 12. pag. 43.*3) *Annal. Lib. II. Cap. VIII.*4) *in Tib. Claud. Caes. Cap. I.*5) *German. Antiq. Lib. III. Cap. XVII. pag. 565.*6) *Discept. Chorograph. Part. I. passim.*7) *Notit. Germ. Infer. P. I. D. III. p. 54. F. X. p. 67. N. I. p. 109.*

XXIIIX DE VIIS MILITARIBVS ROMANORVM

pote arbitrorum, coniecturis nostris incertioribus interpungimus, nec enarrandis eorundem sententiis immoramur, quarum compendiarium notitiam suppeditat CHRISTOPHORVS CELLARIVS 8). Propius Germaniae Magnae terminos adtingunt bini pontes, Rheno fluuio a Druso impositi, quibus Bonnam et Moguntiacum iunxisse, FLORVS 9) perhibet, eo cum primis memorabiles, quod omnium, qui perpetuos in usus trans Rhenum producti sunt, pontium hi haud dubie habeantur antiquissimi, quorum mentionem ueteres scriptores iniecisse reperiuntur Meruit sane uel hac uiarum cura Drusus triumphalem arcum, in principe Romanarum uia, Appia, honoribus eius positum 10), cuius fragmentum sistit IANVS GRATERVS 11). Maiora fortassis curae huius daturus fuisset Drusus specimina, nisi praeceps ex equo lapsus fata fere adhuc iuueni maturasset, unde accidit, ut Tiberio fratri, quae Drusus in Germaniam tam belle conari coepit, expediunda cederent. Qui quantum effecerit, succincta narratione supra nos persequutos esse meminimus, de opere quodam exposituri hoc loco, quod uidetur susceptas sub eiusdem ductu uiarum in ipsa Germania Magna munitiones ostendere. Domitium scilicet Ahenobarbum, Neronis Caesaris auum, exercitu flumen Albim transcendisse, longius penetrata Germania, quam quisquam priorum, eamque ob rem insignia triumphii adeptum, TACITVS 12) memorat, eumque ornamentis

8) *Notit. Orb. Antiq. Lib. II. Cap. III. §. X. sq. Tom. I. pag. 210.*

9) *Lib. IV. Cap. XII. pag. 232.*

10) SVETON. in *Claud. Cap. I.*

11) *Corp. Inscript. CCXXXVI. 5.*

12) *Annal. Lib. IV. Cap. XLIII.*

mentis e Germanico bello triumphalibus clarum vocat SVETONIVS 13). Viuendo iste adtigit extrema Augusti tempora, cuius in testamento familiae pecuniaeque emporum fuisse, idem SVETONIVS 14) auctor est. Rite igitur excussis et temporum rationibus, et quibus ceteroquin attendendum est, Tiberio belli comitem, quo circa A. V. C. DCCLIII Caninefates, Attuarios et Bructeros subegit, sagacissimi rerum, antiquissimo aevo gestarum, scrutatores coniciunt, quorum partes firmat eximiae auctoritatis adfensione, quem honoris causa nominamus, Vir Illustris, IOANNES IACOBVS MASCOVIVS 15). Expeditionis eius, in Magnam Germaniam a Domitio confectae, monumentis annon adnumerandum sit celebre oppidum, in ditione Daneburgica superstes, *Doemitz* adpellatum, modestam, uti par est in rebus incertioribus, coniecturam proponit BVCHERIVS 16), dubio arbitrio relictam, quam definiant sagaciores. Definiat nostra pace, cuicumque uacauerit: nostrum est redire, tamquam ex diuerticulo, in regiam uiam. Aggeratus est ab illo Domitio uastas inter paludes trames, qui pontes longi dici consueuerunt; quos ut post ea, uerustate ruptos, reponeret, et una cum inferioris Germaniae legionibus superaret, quum A. Caecina, Germanici Legatus, daret operam, Arminio duce, a Germanis uehementer infestatum, et nocte demum aduersae pugnae inclinantes iam legiones exemptas esse, TACITO 17) auctore, nouimus.

D 3

Quos

13) in *Ner. Claud. Caes. Cap. IIII.*14) *cit. loc. Conf. IDEM in Octau. Aug. Cap. CI.*15) in *den Geschichten der Teutschen, Lib. III. §. XXI. Tom. I. p. 72.*16) *Lib. I. Cap. XXIV. §. 6. p. 57.*17) *Lib. I. Cap. LXIII. LXIII.*

XXX DE VIIS MILITARIBVS ROMANORVM

Quos per agros trames iste aggeratus fuerit, uarie solet disceptari. Patuisse a Veteribus inde Castris ad Alifonem, eodemque fuisse situ, quo nunc etiam uasta satis palus in medio oppidorum *Ham, Alem et Lurighusen* sternitur, longitudine decem circiter millium, coniectura est CLVVERII 18). At eum potius esse, qui suo adhuc aeuo exstabat et usui erat, per paludes ac uligines, haud procul Amisia, inter Lingam, Weddam et Coeuordam, arbitratu LIPSII 19), cui ad sensum praebet ALTINGIUS 20). Fuerunt sane pontes isti longi, quantum ego suspicor, perdendarum saltem per paludes legionum causa, ita dispositi, ut necessitati potius inferuieret, quam ornamentorum aut commoditatis, aliis procurandae, rationem haberet conditor illorum, Domitius. Neque isti, si recte aduertas animum ad TACITI descriptionem, qui *angustum tramitem* uocat, ex Romanorum instituto, elogium publicae uel militaris uiae tueri, neque adsertionem nostram, superiori loco positam, nullas Romanorum uias militares patuisse per Germaniam Transrhenanam, si quis uel maxime pontes hos longos Domitianos eo usque productos esse, cum CLVVERIO statuat, imo plane aliquando euicturus sit, poterunt quidquam euertere.

§. VII

18) *Lib. III. Cap. IX. pag. 541.*

19) *Part. I. D. I. pag. 53.*

20) *in not. ad TACIT. Annal. Lib. I. Cap. LXIII. ad verb. angustus is trames.*

§. VII.

LIMITES AGGERESQVE, INTER ALISONEM

AC RHENVM A GERMANICO EDITI.

Tiberio Imperatore, post Augusti obitum, rerum potito, Germanicus, Drusi filius, ultioni Varianae cladis, a Germanis exigendae, nuper iam ab Augusto destinatus, cum Arminio in primis, Cheruscorum principe, quam acerrime bello decertauit, ipso patre longius per Germaniae fines grafatus. Quantacunque tamen edita his in bellis ab ipso fuerint facinora, nihil prorsus deprehenditur, ex quo conici possit, uias ab eo in Germania, siue Cisrhenana, siue Transrhenana, fuisse munitas. Nec enim ego huc trahendos esse crediderim nouos limites aggeresque, quibus cuncta inter castellum Alisonem ac Rhenum permuniuisse Germanicum, TACITI 1) fide compertum habemus. Exstant hodiernum limitum aggerumque huius modi reliquiae, et late per inferioris comitatus Cattimelibocensis tractum, et Wetteranae, Hassiaeque superioris agros patent, diligentius a IOANNE IVSTO WINKELMANNO 2) descriptae, quae tamen utrum aggeris eius, a Germanico editi, an aliorum limitum, quales post eam aetatem Romani saepius praesidii causa istis in terris disposuisse perhibentur, portio sit habenda, definitu mihi paullo uidetur difficilior. Id sane ut constet, futurum puto, aggeres istos limitesque ualli loco

1) *Annal. Lib. I. Cap. VII.*2) *in der Beschreibung der Fürstenthümer Hessen und Hersfeld, Part. I. Cap. IV. pag. 229.* ubi adnotat, aggeres istos uernaculo nomine plerumque *die Pohlgraben*, perperam ab aliis *Pfahlgraben* dici.

XXXII DE VIIS MILITARIBVS ROMANORVM

loco et praesidii fuisse conterminis Romanorum siue castris, siue prouinciis, nec potiori iure ad uiarum munitiones referri, quam istud P. Aelii Adriani, et M. Aurelii Probi uallum et murum, nostro adhuc saeculo per agri Nordgauensis, uicinarumque ditionum tractus, ruderibus suis hinc inde satis conspicuum, de quo peculiaribus libellis commentatus est Vir Clarissimus, IOANNES ALEXANDER DÖRRLINVS 3).

§. VIII. CORBVLONIS FOSSA.

Quae iam sub reliquis Imperatoribus, per quorum aetatem persequi commentationem nostram instituimus, uiarum militarium in Germania explorentur uestigia, nulla sunt, aut sane perquam tenuia. Ne tamen praecipiti nimis discessu institutum deseruisse arguamur, breuiter ea exponere animus est, quae ad Romanorum curam, uias in Germania ordinandi, generaliiori aliquantum ratione sunt referenda. Probato hoc consilio, indicanda est fossa, quam inter Mosam Rhenumque, ut miles otium exueret, trium et uiginti milium spatio praeduxisse Corbulonem, exercitus, per inferiorem Germaniam dispositi, sub Claudio Imperatore Legatum, qua

- 3) Prodiit primum laudati auctoris *Schediasma Historicum, de Imp. P. Ael. Adriani, et M. Aurelii Probi Vallo et Muro*, latino stilo exaratum, *Norimb.* c. 1600 xxiii. Vernaculo deinceps sermone donata eodem de uallo commentatio, priore audior, praefixa inscriptione: *Antiquitates in Nordgauia Romanae, oder geuauere Vorstellung des alten Römischen Valli und Land-Webre etc. Weissenb.* c. 1600 xxxi, publici iuris facta est.

qua incerta Oceani uetarentur, TACITVS 1) refert, cui omnino consentit DIONIS 2) testimonium, nisi quod duobus passuum millibus, ex mente interpretis, GVILIELMI XYLANDRI 3), fossam illam breuiorem perhibeat, cui tamen expositioni aduersatur IVSTVS LIPSIVS 4), mensuram DIONIS ET TACITI proxime conuenire arbitratus. Hanc esse Corbulonis fossam, traxit enim a conditore nomen, quae ab urbe *Leida Delftum* defertur, atque inde ad uicum, *Maesland* deducta, tandem ad propinquum uicum, *Shuys*, Mosae iungitur, adlegatis quatuor potissimum rationibus, arguit CLVVERIVS 5). Ad Rhenum quidem coepisse a capite riuu Lugdunensis, delineatione ualde probabili ob oculos ponit; at confutat, per Delfensem Urbem

E ad

1) *Annal. Lib. XI. Cap. XX.*

2) *Lib. LX. pag. 685. E. Διαφρευστε (Γναῖος Διομήτιος Κορβουλων) πᾶν τὸ μεταξύ τῆ το Ῥήνου καὶ τῆ Μόσαι, σταδίας ἐβδομήκοντα καὶ ἑκατὸν μάλιστα.*

3) Vertit XYLANDER τὰς σταδίας ἐβδομήκοντα καὶ ἑκατὸν, a DIONE proditos, *unum et uiginti passuum millia*, et in adnot. in DION. cit. loc. pag. 969. obseruat, TACITVM uiginti et tria passuum millia fossae illius longitudini adsignare, at stadia centum et septuaginta, quae DIO memorat, millia saltem uiginti et unum, cum quadrante uno conficere.

4) in not. ad TACIT. *Annal. Lib. XI. Cap. XX. ad uerb. inter Mosam Rhenumque.* Tribuit enim XYLANDER singulis passuum millibus octo stadia, contra LIPSIVS, PLVTARCHO, SVIDA, aliisque auctoribus, septem stadia cum dimidio pro milliari capit, ex qua computandiratione, apud ueteres potissimum recepta, eoque nomine nobis quoque apprime probanda, ut stadia centum et septuaginta conficiant milliaria tria et uiginti, duobus stadiis et semi minus, ultro consequitur.

5) in not. ad TACIT. cit. loc.

XXXIV DE VIIS MILITARIBVS ROMANORVM

ad Mosaelandiae cataractas ductam esse istam fossam, AL-
TINGIVS 6), cuius in sententiae fossaeque ductu, una cum
CELLARIO 7), perstamus et adquiescimus.

§. VIII.

AGGER DRVSIANVS, A POMPEIO PAVL-
LINO ABSOLVTVS. L. VETERIS DE IVNGENDA
MOSELLA ET ARARI CONSILIVM.

Quietae pacataeque res per omnem Germaniam, ad Ne-
ronis Imperatoris tempus, utrique legionum istic dispo-
sitarum Legato suppeditauere occasionem, de publicis operi-
bus cogitandi, quorum structuris otiosos milites exercerent.
Dignos existimauit utriusque ducis conatus, successu quidem
uarios, quos posteritati commendaret TACITVS 1), quo
auctore strictim eosdem persequemur. Pompeius enim
Paullinus, qui legionibus inferioris Germaniae praeerat, in-
choatum ante tres et sexaginta annos a Druso aggerem,
coërcendo Rheno, absoluit. Clariora de aggeris huius du-
ctu indicia ueteres scriptores non dederunt, suoque silen-
tio descriptu istum omnibus, qui sequiori aeuo eum sibi
sumfere inuestigandum, reliquerunt difficillimum. Con-
sentiunt omnium fere coniecturae, ultimam eidem Drusi
moli perficiendae manum admouisse Pompeium Paullinum,
quam aliquot lustris post ea dirutam fuisse a Claudio Ciui-
li, Bataviae liberatore, idem TACITVS 2) adnotauit. Qua
senten-

6) *loc. cit. P. I. C. X. pag. 48. Conf. Tab. IV.*

7) *Lib. II. Cap. III. §. XVI. pag. 212.*

1) *Annal. Lib. XIII. Cap. LIII.*

2) *Hist. Lib. V. Cap. XIX.*

sententia stabilita, confutavit istos, qui Drusoburgum ad Malam situm, eandem Drusi molem esse contenderunt; at refellere quidem aliena, firmare ipse nihil potuit LRSVS 3). Certiora nonnihil hac de re, Rheno scilicet in illum alueum, cui hodie *Lecca* nomen, per aggerem Drusi et Pompeii abacto, debentur ALTINGIO 4), cui fides est habenda maxima, quanta quippe illis esse debet omnino, qui antiquarum rerum eleganter intelligentes, ad praesentem situm, propriis oculis usurpatum, diligentiori cum cura et iudicio easdem conferunt. Maius hoc aggere opus molitus est L. Vetus, exercitus Romani per superiorem Germaniam Legatus, quando Mosellam atque Ararim, facta inter utrumque fluvium fossa, connectere paravit, ut copiae per mare, dein Rhodano et Arari subuectae, per eam fossam, mox fluviio Mosellae in Rhenum, exinde Oceanum decurrerent: sublatisque itinerum difficultatibus, nauigabilia inter se occidentis septentrionisque littora fierent. At factum est invidia Aelii Gracilis, Galliae Belgicae Legati, ut tanti operis consilium effectui dari non potuerit. Deterruit enim iste Veterem, ne legiones alienae provinciae inferret, studiaque Galliarum adfectaret, et quo plerumque conatus honesti prohibentur, formidolosum id Imperatori dictitavit. Fuit quidem ea huius operis conditio, ut nemo sit, qui non perspiciat, impeditiores longe, quam Aelii Gracilis invidiam, L. Veteri futuras fuisse difficultates, quas superaret, imo tantas, quibus tollendis non suffecisset magis, quam alii maximorum Principum, qui post

E 2

illam

3) in not. ad TACIT. *Annal. Lib. XIII. Cap. LIII. ad verb.* inchoatum a Druso aggerem.

4) *Part. I. D. III. pag. 55. Conf. Tab. IV.*

XXXVI DE VIIS MILITARIBVS ROMANORVM

illam aetatem saepe numero de iisdem, aliisque fluuiis coniungendis, irrito successu cogitauerunt. Tanta scilicet est naturae peruicacia, ut fines, suo apte arbitrio statutos, arte humana mutari aegre nimis patiatur. Quosunque ceteroquin successus experturum fuisset istud Veteris consilium, digna sane illius est magnitudo, cui magnificos LIPSIUS) adplausus, ex singulari admiratione natos, unusquisque occinat: *utile, magnum, regium, uel Romanum plane opus.*

§. X.

DISQVIRITVR, AN SVB RELIQVIS PRIMI SAECVLI IMPERATORIBVS VIAS ROMANI IN GERMANIA CONDIDERINT.

Breue nimis, quod post Neronis interitum, eodem paene tempore, adfectauit Ser. Sulpicius Galba, M. Saluius Otho, et A. Vitellius, et multo turbulentius fuit imperium, quam unde tantorum operum alicubi, praesertim in Germania, condendorum auspicia expectari potuissent. Neque habet utriusque Vespasiani principatus, quantumvis bene stabilitus, et rebus domi et foris ordinatis, ualde conspicuas, quae sibi ex uis per Germaniam dispositis, uindictae ornamenta. Nulla tamen inde in hos Imperatores deriuanda est suspicio, fuisse illos uiarum in prouinciis muniendarum incuriosos, cum habeat hodiernum, quibus hanc inuidiam ab utroque amoueat, monumentorum reliquias Hispaniae; columnam scilicet uialem, uiae a Cappara Vrbe ad Emeritam usque, impenfa Vespasiani patris restituae, praekonem, quam

s) in nos, ad TACIT. sit. loc. ad uerb. Mosellam atque Ararim.

quam FLORIANI OCAMPII fide descripsit HIERONYMVS SVRITA 1), exhibuit etiam GRVTERVS 2); et alius lapidis inscriptionem, ab eodem GRVTERO 3) relatum, ex qua Tici filii cura colligitur, qua vias in ista prouincia fecit instaurari. Tacemus alia monimenta, unde plures in rei huius argumentum coniecturae, at paullo incertiores, possint euolui, quarum si qui cognoscendarum cupidi fuerint lectores, ad BERGIERIVM 4) ablegamus. Quo autem minus uiarum per Germaniam instauratoribus accensendi essent, intercepte filium praematura fata, patrem impedivit acerrimum cum Claudio Ciuili bellum, in terris Germaniae Cisirhenanae et Galliae Belgicae dubio Marte diu satis exercitum. Hoc enim defaueunte, tantum absuit, ut nouas in Germania publicorum operum machinas construere Romanis licuerit, ut ne a uariis quidem, arte sua et labore pridem in tutelam suam effectis, excidium, hostili manu intentatum, potuerint prohibere. Dirutam esse a Claudio Ciuili aliquam Drusi molem, paullo ante, praeeunte TACITO 5), memoratum est, et eodem auctore 6), cohortium, alarum, legionum hiberna, per uniuersam cis Rhenum Germaniam, Ciuilis itidem ductu, subuersa et cremata esse nouimus, iis tantum relictis, quae Mogontiacy ac Vindonissae sita fuerant. Alterum Vespasiani filium, Domitianum Imperatorem, habuisse aliquoties, quae

E 3

suis

1) in *Comment. emendat. in Antonin. August. itinerar. pag. 584.*2) *Corp. Inscript. CCLIV. 3.*3) *ibid. CCLV. 3.*4) *Lib. I. Cap. XVII. §. 4. seqq. pag. 53. 54.*5) *Hist. Lib. V. Cap. XIX.*6) *ibid. Lib. IV. Cap. LXI.*

XXXIIX DE VIIS MILITARIBVS ROMANORVM

luis auspiciis in Germania gererentur, occurrunt apud illius aevi scriptores passim argumenta, quae quanto sunt obscuriora, tanto dexteriori cura et iudicio conquisiuit Illustris MASCOVIUS 7), Praeceptor et Patronus diligenti studio suspiciendus. At quod ex monumentis reportauit, si qua forte in Germania condi fecerit, exile sane decus fuerit, oportet, nisi praestantius illis pretium constiterit, quam falso ipsius e Germania triumpho obtigit, quem derisui fuisse, TACITO 8) teste, ipsi Domitiano inerat conscientia, quantiscunque uerborum phaleris Arcteos triumphos,

Bisque iugo Rhenum, bis adaectum legibus Istrum, PAPINIUS STATIVS 9), cothurnatus Domitiani adsentator, iactitet. Quanto tamen opere Imperator iste, parum ceteroquin laudabilis, uias muniendas curauerit, testatur Domitiana uia, quam Sinuessâ Puteolos productam, DIONIS auctoritate XIPHILINVS 10) commemorat, et altifono hendecasyllaborum adparatu decantat STATIVS 11). Neque Domitianum uiarum in prouinciis curam omnino abieciisse, intelligimus ex quapiam columnae milliariae, haud procul a Medina in Hispania positaе, inscriptio-

7) in den Geschichten der Teutschen, Lib. V. §. 1. seqq. pag. 136. seqq. Tom. I.

8) in Vir. Iul. Agric. Cap. XXXIX.

9) Thebaid. Lib. I. u. 19. Conf. CASPARIS BARTHII Animadu-
uers. ad PAPIN. STAT. dict. loc. Tom. II. pag. 13.

10) Excerpt. e DIONIS CASSII Hist. Rom. Lib. LXVII. p. 766. A.

11) Silu. Lib. II. Carm. III. cui additus est titulus, Vía Domitiana.
Conf. EIVSDEM Epistola, inscripta Statio Marcello, et Libro
IV. Siluarum praefixa.

pione, quam descriptam stitit BERGIERVS 12). At enim uero militares in Germania uias, quae ad eundem Imperatorem referendae uideantur, explorare omnino nullas licuit.

§. XI.

PRAECIPVA INSTITVTI ARGVMENTA;
IN ALTERAM COMMENTATIONEM TRANSMISSA,
STRICTIM EXPONVNTVR.

Ita quidem nos uias Romanorum in ueteri Germania militares, quas prima hac circumscriptione peragrandas nobis sumimus, esse iam emensos, et tuto posse aliquantisper subsistere, confidimus. Neque tamen, quod enixe nolim, suspicetur quispiam, eam nobis esse huius excursionis fiduciam, ut nihil plane praeteriisse iactitemus, quidquid uiarum eius modi habeatur in Germania. Fuerunt probabilis sane consilio quaedam Romanorum opera omissa, quae huc pertinuisse, curatius omnino memoranda, nonnulli fortassis opinabuntur. Peccatum forte incuria fuit in aliis praetermissis, quae iure merito fuissent perlustranda. Quem enim ita semper progredi posse arbitreris, ut nihil oculos, nihil animum effugiat in spinosis hisce salebris? Nihil hoc nomine delinqui crediderim in magnificas Romanorum uias, cuius inuidia in posteritatis neglectum et temporis iniuriam est reiicienda. Verum si quas earum uiarum praeteritas esse animaduuerimus, aliquando reduces prius istas lustrabimus, quam in alias descendemus. Nam collectis quasi uiribus, euan-

12) *cit. loc. §. 5. pag. 55.*

XL DE VIIS MILITARIBVS ROMANORVM ETC.

gandum nouo conatu erit in uias late patentes, quibus non per Galliam Belgicam, et Cisrhenanā Germaniam solum, sed et Rhaetiae, Vindeliciae atque Norici agros deducit ANTONINI ITINERARIUM. Iuuabit ista itinera, quantum quidem ad Germaniam pertinent, ad designatas in TABULA PEVTINGERIANA stationes conferre, et inde quidquam ad oppida ueteris Germaniae illustranda colligere. Haerendum aliquantisper erit, in uia ista per Rhaetiam et Vindeliciam, in contemplandis columnis uialibus, L. Septimio Seuero Caesari, uiarum instauratori, sacris, quarum unam superius iam alieno loco exhibuimus. Neque deficient omnino argumenta, quibus ostendi possit, alios quoque Imperatores de uiis in Germania instauratis bene meruisse. At haec omnia, uberrimam dicendi materiam, alteri commentationi referuamus, qua uias Romanorum in Germania ueteri militares persequi animus est. Inquirendum simul erit aliquanto curatius in obseruationem, nobis forte subnatam, an non uiae, Romanorum instituto in uicinis Germaniae regionibus munitae, ipsa Germanorum et Gallorum sacra, Deorumque cultum locupletauerint: cum aliquot utriusque genti Deos fuisse obseruemus, quos Deorum uialium numero Roma habuit, statuisque per uias dispositis celebravit. Mercurium et Dianam huc retulerunt Romani: eosdem Deos, alio licet nomine, Germani et Galli coluere. Imo principem Deorum apud Romanos uialium, Apollinem, Germani cum primis, Beleni nomine insignitum, uenerati sunt, nec apud istos illius cultu quidquam fuit frequentius. Sed extremo digito haec tetigisse iam sufficiat, in alteram commentationem transmittenda, quae pleniori manu excutiantur.

